

CONVENIO DE COLABORACIÓN ENTRE A AXENCIA DE TURISMO DE GALICIA E O CONCELLO DE VILARMAIOR PARA A REHABILITACIÓN E ADECUACIÓN DE FONTE E LAVADOIRO DE VILABOA

MEMORIA XUSTIFICATIVA

O xerente de Turismo de Galicia

DECLARA:

Que esta Axencia de Turismo de Galicia formalizou co Concello de Vilarmaior o instrumento convencional arriba referido por un período de vixencia que abrangue dende a data da súa sinatura ata o 31 de decembro de 2025.

Que o instrumento convencional ten por obxecto establecer as bases de colaboración entre a Axencia de Turismo de Galicia e o Concello de Vilarmaior para a rehabilitación e adecuación de fonte e lavadoiro de Vilaboa.

Que existe converxencia de intereses entre as entidades asinantes en orde á consecución obxecto referido.

Que o instrumento convencional que se pretende asinar se **fundamenta** no seguinte:

Primeiro.- A Axencia de Turismo de Galicia, en virtude do disposto no artigo 9 dos seus estatutos, aprobados polo Decreto 196/2012, do 27 de setembro, é a entidade pública instrumental do sector público autonómico de Galicia á que lle corresponde o impulso e execución da política turística da Xunta de Galicia en relación coa promoción da calidade e a innovación, o desenvolvemento, mellora, información e difusión do sector turístico galego, potenciando a devandita oferta, mediante a comercialización, información e difusión do produto turístico da Comunidade Autónoma de Galicia.

Para lograr esta finalidade a Axencia de Turismo de Galicia acomete, no ámbito das súas competencias, un decidido apoio á promoción e fomento do sector turístico de Galicia a través daquelas accións que lle permiten acadar os seus obxectivos.



Segundo.- Entre os obxectivos do Concello de Vilarmaior están o desenvolvemento do turismo dentro do concello de acordo cos principios de calidade, accesibilidade e sustentabilidade; a potenciación do turismo como factor de crecemento económico, a valorización dos recursos turísticos e o fomento do turismo como instrumento de reequilibrio territorial.

O Concello de Vilarmaior persegue coas actuacións recollidas neste proxecto favorecer o seu desenvolvemento mediante a recuperación de elementos de interese etnográfico mediante a conservación e mellora de elementos actualmente deteriorados, cuxo aspecto inflúe de forma negativa na contorna e deteriora a calidade da paisaxe que os rodea. É por isto polo que se promove unha actuación dirixida á posta en valor turístico dun dos elementos de interese etnográfico propio da arquitectura tradicional existente no concello: o lavadoiro de Vilaboa e a súa fonte anexa, situados na parroquia de Grandal, concello de Vilarmaior.

As fontes e os lavadoiros xogaron un papel fundamental no pasado, mais actualmente están en estado de abandono. A sociedade civil apela á importancia de recuperar e dar a coñecer a historia destes elementos do patrimonio etnográfico.

Actualmente o Concello de Vilarmaior está promovendo o desenvolvemento dun proxecto que inclúe a recuperación das fontes e lavadoiros, ademais dos antigos camiños, moitos deles en desuso. Paralelamente deseñáronse dúas rutas coas que se aspira a promocionar o rico patrimonio etnográfico do municipio. Trátase de dous itinerarios cunha lonxitude aproximada de dez quilómetros, que parten das inmediacións da Casa da Cultura e que inclúen sete fontes e lavadoiros antigos. En concreto, as fontes de Labazá, Vilapape, Doroñeira e San Pedro, A Rúa, Pichón de Coruxo e María Mañá, e os lavadoiros de Soutocalvo, Goián, Vilapape, Doroñeira e San Pedro, ós que se conta con incluír outros como o de Socamiño e o recollido neste proxecto, a fonte e lavadoiro de Vilaboa.

Esta fonte e lavadoiro atópanse aproximadamente a dous quilómetros da igrexa de Santa María de Doroña, do século XII, de estilo románico, con nave, presbiterio e ábsida semicircular, na que destaca un singular tímpano no que se representa un Agnus Dei. Ademais en Vilarmaior está o Labirinto de Breoghán, o máis grande de España e un dos principais reclamos turísticos do concello, e a Ruta dos Petróglicos, xa que Vilarmaior



conta cunha das maiores concentracións de gravados rupestres de toda Galicia, que moven anualmente un importante número de visitantes e turistas.

A finalidade que se persegue con este proxecto é a posta en valor deste lavadoiro como elemento de interese etnográfico propio da arquitectura de Vilarmaior, e con isto potenciar o desenvolvemento do concello e fomentar o interese dos visitantes e turistas da cultura de Vilarmaior e os seus costumes, mediante a realización dunha serie de actuacións que melloren a dita edificación municipal, cuxo aspecto inflúe de forma negativa no contorno e deterioran a calidade da paisaxe que os rodea.

Os traballos desenvolveranse da seguinte forma:

- Preparación do terreo
- Desmontaxe do lavadoiro existente
- Canalización de canles
- Rehabilitación do muro e escaleiras de acceso
- Solado de pedra de plataformas
- Reconstrución de lavadoiro
- Rehabilitación da fonte

A importancia que dende este concello se lle da á recuperación, conservación e posta en valor do patrimonio turístico, arqueolóxico e cultural local fai que unha das prioridades sexa a de cumprir cos principios de calidade e accesibilidade en todos eses destinos turísticos que dende este concello se pretenden valorizar como fomento do turismo.

Terceiro.- A Estratexia de Turismo de Galicia 2030 ten como misión impulsar un turismo auténtico e sostible. Esta articulase a través de misións, sendo unha delas a mobilidade, conectividade turística e reequilibrio territorial. Unha primeira liña de traballo incide en mellorar a percepción do destino e garantir e facilitar información sobre este. En segundo lugar, o turismo é a grande actividade económica capaz de redistribuír riqueza e facilitar emprego en áreas especialmente vulnerables e que



afrontan o reto demográfico. A estratexia busca apuntalar o turismo rural cara ao ano 2030, mellorando a súa planificación, facilitando investimentos e xerando novas experiencias, máis atractivas e innovadoras, pero, sobre todo, que reforcen a cultura e a identidade local.

Neste senso cómpre mellorar os investimentos no turismo rural para manter o rico patrimonio histórico ou, con carácter xeral, xerar infraestruturas básicas que melloren a experiencia turística. Consegúrase así non só mellorar a accesibilidade a zonas menos visitadas, senón que tamén se contribuírá a distribuír os fluxos turísticos de maneira máis equilibrada e fomentárase un turismo responsable e sostible.

Con esta actuación quérese potenciar un elemento patrimonial do concello, favorecendo o uso e goce do entorno por parte de veciños e visitantes, revalorizando o patrimonio e fomentando o turismo patrimonial como un instrumento de reequilibrio territorial, o que supón a posta en valor turístico da citada infraestrutura.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados Lei 9/2017, do 8 de novembro, de contratos do sector público, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asíñase esta memoria, en Santiago de Compostela

O xerente de Turismo de Galicia

Antonio Casas Calviño

